

Ho ɲun nɛi vɛahɛ na ɔ o Poole tɛara nɔn ho Korɛnte kɛrɛtɛwa kuure yi

Vɛahɛ tɛarɔ ɲɛhɛ

O Poole lɛ yɛa wɔkaka tɛara ho vɛahɛ na kà nɔn ho Korɛnte kɛrɛtɛwa kuure yi. Sàni ò o tɛa ho, à bɛn ɓa ɓɛi ɓa tɛahɛ lá pà a Poole mu ɓio le o yɛnɔn o Yeesu *Krista tonkaro.

Ká a Poole màhá tɛara ɓa yi, á zéenia mí ɓio yahó làa ba. O le mí wa ɓa ɓúenɔúen, á wi à ɓa ɓini wé sí.

O nin-yáni zéenia ɓio ɔ o lò bonnáa, làa ɓio le Dónbeenɛ sɛenianaá wo (1.1-11). Hã bín-zàwa na wi orɛn làa ba pàahɛ ɔ o bía dání yi, á zéenia le lé o Yeesu nɔn le ɲii mí yi à mí ɲi ɓa zeñ wán. O Poole vɛahɛ ɓui yi ɔ o zá làa ba, ɛɛ ká ho vɛahɛ na kà yi ɔ o le mí síi wan làa sòobéɛ ɓio ɓa tà yèrɛmáa mi yilera lè mi wára ɓio yi (1.12-7.16).

O Poole le ho Korɛnte kɛrɛtɛwa wé hén mí nini à wéráa mu hãmu sɛeni ho Zeruzalɛmu kɛrɛtɛwa na lé ɓa ni-khenia (8-9).

Ho vɛahɛ mu lii véenii, ɔ o Poole zá làa ɓia le o yɛnɔn le Dónbeenɛ tonkaro, á zéenia le ɓa ɓio yi bon (10-13).

Le tɛɛni

¹ Mu lé inén Poole na le Dónbeenɛ lè mí síi ɓio á wó là a Yeesu Krista tonkaro, lè wán za Timotee á wee tɛeni ɓa kɛrɛtɛwa kuure na wi ho Korɛnte lóhó yi ho Akayii kòhɛ yi. Wa mún wee tɛeni ɓia

bɔ sã le Dónbeenĩ yi na wi ho k̄hũ mu ɔ́úenɔ́úen yi

² Le wàn Maá Dónbeenĩ lè wa Núhũso Yeesu Krista wé mu sãamu làa mia, à na ho héerà mia.

O Poole wee dé le Dónbeenĩ b̄árákà

³ Le le khòoní à ɔ́ s̄i wa Núhũso Yeesu *Krista ɔ́n Maá yi. Wón na lé o maá na zũ le màkárí, á wee hení wa s̄ia f̄ééé.

⁴ O wee hení wa s̄ia le lònbee na wee yí w̄en ɔ́úenɔ́úen yi, bèra a na à warén ɔ́n dàń d̄in b̄in wán à henínáa b̄ia lò wee be s̄ia, à ɔ́a yí le s̄i-hebúée na warén wa b̄ere yú le Dónbeenĩ c̄ón.

⁵ Mu bon, làa ɔ́ s̄i á le lònbee wee yírãa w̄en dà kh̄í o Krista ɔ́n yi, lé làa b̄in s̄i á le s̄i-hebúée na wa wee yí le Dónbeenĩ c̄ón o Krista p̄anká yi á wa wee yí puuní.

⁶ Hen ká wa lò wee be, se lée bèra a na à mi yí le s̄i-hebúée, à mún k̄ání. Éé ká wa yú le s̄i-hebúée, se lée bèra a na à minén mún yí le à bè yi dàń lárãa le lònbee dà-kéní kéní na warén wee lá.

⁷ Mí siadéró le Dónbeenĩ yi á wa láa yi binbirí. ɔ́n mi páanía le lònbee yi làa w̄en, á wa ɔ́n mún zũ le m̄i mún páanía le s̄i-hebúée na wa yú yi làa w̄en.

⁸ Mu bon, wàn z̄awa lè wàn hínni k̄èrèt̄ewa, wa ko wa z̄eení ɔ́n s̄a w̄en ho Azii k̄hũ yi làa mia. Wa lá le lònbee b̄in làa s̄obéé. Le lònbee mu ɔ́n t̄in wó herera wa wán fúaa wa yàá lá máa dàń le. Wa yàá lá wee leéka le le máa ká w̄en.

⁹ Wa ɔ́n t̄in lá wee leéka le ɔ́a à ɔ́úe w̄en. Lé b̄in n̄on á wa yí dó wa s̄ia waten yi à wa dó h̄ã le Dónbeenĩ na wee v̄ení ɔ́a n̄i-hía yi.

10 Le Dónbeenĩ lé dño kánía wɛn bũn húmú so síi yi, á le pá à bíní ì kání wɛn. Mu bon, wa láa mu yi le le pá wé è kání wɛn.

11 Minén mún séení wɛn lè mí floró. Lé bũn á à na ká mu sãamu na wa à yí ɓa cèrèè floró pànká yi, á ɓa nùpua cèrèè á à bè yi á à dérãa le Dónbeenĩ báraká wa bïo yi.

O Poole khinia mi vɛnĩ yi

12 Bïo wa sia wee zéení làa wɛn lé bũn wa sia wee wa bïo yi, mu lé bïo wa wee ɓua lè waten ho ðímíjã yi lè mu húaaramu, lè le yi na wee ce, dño wee lé le Dónbeenĩ cón, sònkú bïo wa ɓuan lè waten minén ðání yi. Mu yí wó lè hã sánía bè-zũnminĩ pànká, ká mu wó le Dónbeenĩ sãamu pànká yi.

13 Mu bon, wa vónna na wa wee túa na mia á wa yí máa túa bè-vio ɓúi yi ká mu yínɔn bïo mi wee kàrán làa bïo mi wee jí hã yi. I láa mu yi le mi ì jí bïo wa túara wéréwéré.

14 Mi ðin yí ɲá bïo kà búenbúen: Mi dà à zãmaka wa bïo yi, làa bïo á warén mún ñ zãmakarãa mi bïo yi nònzoñ na wa Núhũso Yeesu ù ɓuen yi.

15 I láa bũn yi. Lé bũn nɔn á ï lá wi à ï ɓuee lé mi cón vé, bèra a na à mi séení mi hã cúa-ɲun.

16 Mu bon, ï lá wi à ï ɓuee ðin mi cón vé à ɓuennãa hen ho Maseduana yi. Ká ï bínía, á ï tɛn ɓueé ðin mi cón à mi séení mi à ï ðàn varãa ho *Zudee kôhũ.

17 Bïo á ï bía le ï wé ká à mu yí wó so wee zéení le ï láa yi mía le? Hen ká ï le ï wé bïo, à ï so wé mu là a ɲiní ɲun ɓãnsò bïo síi le, yã wee tà ho ũuu ho zuia ká ho yĩró ò o le ɓùèé lòn nùpue na yí zũ Dónbeenĩ le?

18 Le Dónbeenĩ na máa wé yèrémá mí jii lé ɪ seéràsɔ. Há ji-cúa na wa wee fɛɛ na mia yínɔń ũuu làa ɓùéé.

19 Le Dónbeenĩ Za, o Yeesu Krista, yĩa á ɪnén là a Silivɛn là a Timɔtee bía ɓio nɔn mia ji-cúa yínɔń ũuu làa ɓùéé. Mu bon, o ji-cúa lée ũuu mí dòn.

20 Orén lé yĩa lé ho ũuu na wee zéení le ɓio ɓúenɓúen na le Dónbeenĩ dó mí jii le mí ì wé lé ho tũiá. Lé ɓún nɔn á lé orén Yeesu *Krista mu á wa wee bè yi à tàráa wa amiina à dérása ho cùkú le Dónbeenĩ yi.

21 Lé lerén nɔn á warén làa mia wee dàń fàrá đĩn wa páaníló là a Krista yi. Lé lerén mí beere hueekaa wɛn,

22 á bò mí fiimini wán. Le dó mí Hácírí wa sĩa yi, à zéení le ɓio le dó mí jii le mí ì na wɛn á le è wé máa khi.

23 ɪ wee baa mu jii wán le Dónbeenĩ yahó á à dé ɪ mukānĩ ì na mu ɓio yi, le ɓio nɔn á ɪ yí ɓinía yí ɓuararása mi cón ho Korɛnte yi, lé ɓio á ɪ yí wi à ɪ ɓóoní mia.

24 Wa yí wi à wa kíkǎ mia à mi dé mi sĩa, lé ɓio wa zũ le mi sɪadéró o Krista yi fàrá tĩna, á wa wi à wa séení mia bèra a na à mi sĩa wa.

2

1 Awa! A ɪ wáa le ɪ máa ɓuen mi cón lé ɓio á ɪ yí wi à ɪ tĩn véení mi yiwa.

2 Ká ɪ véeníá mi yiwa, á lé ɓa yén wáa dà à wɛé ɪ sɪi, ɓio á ɓia dà à wɛé ɪ sɪi lé bán á ɪ véeníá yiwa.

3 Lé ɓún nɔn á ɪ túararása ho vũahũ mu. ɪ lá ɓuara mi cón ho pãahũ mu yi, á mi ɓio lá à véení ɪ yi, ká minén lé ɓia nɔn lá ko mi wɛé ɪ sɪi. Mu bon, ɪ ɓèntĩn

lɛ́a mu yi le ká ìnén sɛ́i wan, á minén búenbúen sɛ́a mún ò wa.

⁴ Páahú na á ì wee túa ho vūahú mu, ká ì hácirí yáara fúaa ì yàá wá há yèn-ca-poa. Bìo á ì túara ho yi yínɔ́ ò véení mi yiwa, ká ì wi à mi zū́n le ì wa mia làa sòobéé.

O Poole séra día nɔ́n bíá wó khon làa wo yi

⁵ Yia wó khon làa mi mi t̄ahú á yí véení ìnén ì dòn yi, mu lé mi búenbúen á bànso véení yiwa. Bùéé yáá, ì bíá dà ì níi wán, mu lé ɓa búí mi t̄ahú á bànso véení yiwa.

⁶ Wón nùpue so á nùpua cèrèè mi t̄ahú á zaráa, á bún wáa à yí o.

⁷ Há laà na kà wán á mi sɛ́n mu día na a yi à hení a s̄i, bún mía ó o yi ì vá dàkhíina, á yilera à yáa.

⁸ Bún bío yi á ì wee fío mu mi cón le mi zéení mu na a yi wéréwéré le mi wa a.

⁹ Mu bon, ì túara ho vūahú mu à loínáa le mi wee bè bío á ì bíá nɔ́n mia yi le.

¹⁰ Awa! Á ì wáa à bío bío kà à na mia: Hen ká mi wé séra nùpue bè-kora día nɔ́n wo yi, á ìnén mún ò sɛ́n mu ù díá á à na bànso yi. Ká ì lá ko à ì sɛ́n bío búí día na a búí yi, á ì ì sɛ́n mu ù díá á à na a yi minén bío yi o *Křta yahó.

¹¹ I wé è wé mu bèra a na ò o *Satāni yí yí sée mi wán, lé bío á bío ó o wi ò o wé á wa zū.

O Poole khon o Tiite yi ho Torowaasi yi

¹² Bío á ì vaá d̄n ho Torowaasi lóhó o Křta bín-tente bueró bío yi, á ì mɔ́n ò o Núhúso héra ì tonló sáró w̄hú.

¹³ Ká ì yi pá wee dè, lé bío á ì yí yú wàn za Tiite bún, á bún lé bío nɔ́n á ì dóráa ho Torowaasisa mu

cãa wé se, à ì wà ɓuara ho Maseduana kōhũ wà ɓueé loŋ le ì yí o hen le.

Wa wee fáa hã fūna o Krista pànká yi

¹⁴ Εε κά mi le wa khòoní le Dónbeení, lé ɓio á le wee dí wa yahó à fáaráa hã fūna fέεε wa páaníló là a *Krista ɓio yi. Le Dónbeení wee dīn wa wán à zéenináa o Krista à ɓa nùpua zūn wo hã lùà ɓúenɓúen yi. O zūnló mu ka lòn sãmu na sí á wee bènben fè hã lùà ɓúenɓúen.

¹⁵ Mu bon, wa ka lòn ɓio na sãmu sí na ó o Krista wee na le Dónbeení yi, ɓia kãnía làa ɓia wee vīiní mīten tīahũ.

¹⁶ ɓia wee vīiní mīten cón á mu ka lòn sãmu na wee na mu hómú, ká ɓia kãnía cón á mu ɓèn ka lòn sãmu na wee na le mukãní binbirí. Yia yàá dà à sá hón tonló so lée wée.

¹⁷ Ba nùpua cèrèe wee bue le Dónbeení ɓioní à càráa mu ɓio, ká warén yí máa wé làa bán ɓio síi. Le Dónbeení tonkaa wɛn, á wa wee hén wa yiwa à sáráa hã tonkaa mu tonló le yahó wa páaníló là a Krista ɓio yi.

3

Le páanii fnle ton-sáwá ɓio

¹ Wa so wi à wa tīn zéení waten làa mia le? Tàá wa so màkóo wi à wa ɓua vūahũ na wee zéení làa mia le ɓa tonkaa wɛn mi cón làa ɓio ɓa ɓúi wee wéráa mu le? Tàá wa ɓío le mi túa ho ɓúi na wɛn à wa ɓua vaa zéenináa waten lòn-veere yi le?

² Minén mi ɓere ka lè mi lé ho vūahũ na túara wa sía yi á ɓa nùpua ɓúenɓúen wee kàrán à zūn.

³ Mu bon. Minén mi ɓere lé ho vūahũ na ó o *Krista túara á kàràfáa wɛn. Ho yí túara lè le dèe na ɓa wee túaráa ho vūahũ wán, ká ho túara lè le

Dónbeenĩ na wi fɛɛɛ Hácírí. Ho yí túara huee wán, ká ho túara ɓa nùpua sĩa yi.

⁴ Wa wee bío kà, lé ɓio wa láa le Dónbeenĩ yi o Yeesu Krista pànká yi.

⁵ Wa yí máa leéka le ho tonló mu wa dà à sá lè wa kùrú pànká. Lé Le Dónbeenĩ wee na à wa dàń wéráa mù.

⁶ Lé lerén nɔn á wa dàńna wóráa le páanii finle ton-sáwá. Dén páanii finle so yí yú mí pànká ho làndá na túara yi. Le yú ho le Dónbeenĩ Hácírí pànká yi. Ho làndá na túara wee wé à ɓa nùpua hí mu húmú binbirí, ká le Dónbeenĩ Hácírí ɓèn wee wé à ɓa nùpua yí le mukāni binbirí.

⁷ O *Mɔyiize làndá hĩa túara hã hue-penlenwà wán.* Ho pãahũ mu yi á le Dónbeenĩ cùkú juiĩkaa làa sòobɛɛ, fúaa o Mɔyiize yahó wee juiĩka ho cùkú mu ɓio yi. ɓio ó o Mɔyiize yahó juiĩkaró yí máa mía mí cúee, ká a *Isirayɛɛle zàwa yí dàńna yí lora ho yi lé ɓio ho wee juiĩka dàkhĩina. Ká hón làndá so na wee na ò o nùpue hí á zéenia le Dónbeenĩ cùkú beenĩ kà sii,

⁸ á le Dónbeenĩ cùkú beenĩ mu ɓio so khii máa poń bũn ká mu lé le Dónbeenĩ Hácírí wee sá mí tonló le?

⁹ Wa zĩ le ho làndá tonló na vaa véenii á dà à siini a nùpue jũhũ á cùkú wi. Ká mu ka kà, á ho tonló na wee na ò o nùpue téréen so cùkú máa keń máa poń bũn le?

¹⁰ Wa yàá dà à bío le ho cùkú na yánkaa wi wãa yí máa mi, lé ɓio á hĩa hã làa na kà wán á ɓèn po po horén.

* 3:7 Mí loń Léro vùahũ (Exode) 34.27-35

11 Mu bon, ká mu bïo na hïa khíí á cùkú wi, se bïo wee keń bïn féεε cùkú bèn ñ pon bïn cùkú.

12 A bïo wa dó wa sïa wee lòní ho cùkú mu, lé bïn ñon wa poní sɛnkaa kúaará wee bïoráa.

13 Warén yí máa wé là a Mɔyiize bïo, wón yánkaa pon mí yahó yi lé le nín-kéní, bèra a na ò o Isirayεεle ñpomu yí mi ho cùkú na máa mía véró o yahó mu wán.†

14 O Isirayεεle ñpomu hácírí fù yí dà máa jí le páaníi kínle vónna bioní na wee kàrán na ɓa yi. Hári ho zuia á mu pá ka le ɓa pon mí yara yi lé le nín-kéní mu. O nùpue páaníló là a *Krista lé bïn mí dòn wee wé à le nín-kéní mu hén lén hã yara yi.

15 Mu bon, hári ho zuia ká a Isirayεεle ñpomu wee kàrán o Mɔyiize vónna à ɓa máa zūrĩ hã ɓàn kúará. Mu ka lòn nín-kéní na pon ɓa sïa yi.

16 Ká yia tà a Núhúso bïo à le nín-kéní mu hén lén o yahó yi.

17 O Núhúso na bïo bía lé le Dónbeenĩ Hácírí. O Núhúso Hácírí hïa wi lahó na yi à hón lahó so nùpua keń mítén.

18 Warén búenbúen na á nín-kéní yí pon yara yi á wee loń mi a Núhúso cùkú làa bïo ó o nùpue wé mináa mí yahó ho zùbálén yi bïo sii. O cùkú mu wee juuíka wa wán. O Núhúso na lé le Dónbeenĩ Hácírí á wee wé à wa wé yèrémá ká wa wà, à keń là a bïo sii, à cùkú wé dé wán féεε.

4

O Poole yí tèera mi bàra le Dónbeenĩ tonló sáró yi

† 3:13 Mi loń Léró vūahũ (Exode) 34.33-35

¹ Le Dónbeenĩ lè mí tentemu á kàràfáa ho tonló mu wɛn. Lé bǔn nɔn wa yí máa tèé wa bàra ho sáró yi.

² Wa yí máa sà waten wéráa bǐo, á pǎ hǎ n̄yi-wará día. Wa yínɔ́n̄n̄-khàwa, á wa mún yí máa dé yèrémáló le Dónbeenĩ bion̄n̄ yi. Ká wa wee zéení ho tũia poni bǐo wéréwéré. Wa wee wé kà s̄ii le Dónbeenĩ yahó bèra a na à ɓa n̄pua ɓúenóúen z̄ũn̄ le wa lé ɓa húaaràwa.

³ Ká le bín-tente na wa wee bue á kúará sà yi, se lé ɓia wee v̄i á le kúará sà yi c̄ɔn̄.

⁴ Bán n̄pua so yí z̄ũ le bín-tente kúará lé bǐo ó o *Satāni na wee dí mí béen̄n̄ ho d̄im̄ná yi, á wee wé à ɓa háciira máa dàñ mu kúará z̄ũn̄ à dé mí s̄ia le Dónbeenĩ yi. Ba yí máa mi le bín-tente mu khoomu ɓuiikaró. Bǔn na wee zéení a *Krista cùkú.

⁵ Mu bon, wa yí máa bío waten bǐo ká a Yeesu Krista na lé o Núh̄so lé ȳia á wa wee bue bǐo. Warén wa bæere lé mi ton-sáwá o Yeesu bío yi.

⁶ Le Dónbeenĩ yánkaa bía: «Le mu khoomu keñ le t̄ib̄ir̄i lahó yi». Lerén lé d̄io mún wó á mu khoomu wi wa s̄ia yi, à wa z̄ũn̄náa le cùkú bǐo na wee mi a Yeesu Krista yahó yi.

⁷ Bǔn bè-been̄n̄ so wi warén na ka lòn s̄ia na má lè ho córó yi, bèra à na à ɓa n̄pua z̄ũn̄ le ho dànló na ɓàn s̄ii mia wee lé le Dónbeenĩ c̄ɔn̄, ká ho yí máa lé warén c̄ɔn̄.

⁸ Le lònbee lè mí s̄iíwà wee yí wɛn, èɛ ká le màh̄á yí yú sée wa wán. Wa yiwa wee dè, èɛ ká wa háciira màh̄á pá yí yáara.

⁹ Ba n̄pua wee ɓiin̄i wa s̄án̄ia, èɛ ká le Dónbeenĩ yí pǎ wɛn yí día. Ba wee lùiorá wɛn, èɛ ká mu yí

máa yáa wɛn.

¹⁰ Pònna búenbúen ká ɓa wee cà wa búeró yahó làa bïo ɓa wó wó ɓóráa o Yeesu, bèra a na à le mukāñi binbirī na ló a Yeesu cón à mi wɛn wéréwéré.

¹¹ Mu bon, wa wi le mukāñi yi. Ɛɛ ká ɓa wee cà ɓa búe wɛn pònna búenbúen yi o Yeesu bïo yi. Bún wee wé bèra a na à le mukāñi binbirī na ló a Yeesu cón à mi wa sánia na dà à hí yi.

¹² Lé kà síi á warén wee zàanínáa wa mukāñi pònna búenbúen yi, bèra a na à le mukāñi binbirī na ho pànká mia.

¹³ Wa páanía le síidéro dà-kení yi. Mu ka làa bïo mu túararáa le Dónbeenī bíoni vūahū yi le: «ĩ bía lé bïo á ĩ dó ĩ síi.»* Awa, á warén mún dó wa sía làa bún síi, lé bún nɔn á wa mún wee bíoráa.

¹⁴ Wa zū le yīa vènia o Núhūso Yeesu lé wón mún ñ vèni wɛn, lé bïo wa páanía là a Yeesu. O ò páaní ì fé wɛn làa mia yòo bàrá mí cón.

¹⁵ Bïo wee wé kà búenbúen lé minén bïo yi, bèra a na à ɓa nùpua cèrèɛ wé yí le Dónbeenī sáamu ká ɓa wà. Ká mu wó kà, á ɓa nùpua na à dé le Dónbeenī bārakà á à dé ho cùkú le yi, á wé è dé wán.

Wa khii yí hā sánia bè-fla

¹⁶ Lé bún nɔn á wa yí máa tèéráa wa bàra. Hàrí ká wa sánia pànká wee tī yi ká ho wà, á wa hácírí fiamu bún wee dé wán ká mu wà lè hā wizooní.

¹⁷ Le lònbee na wee yí wɛn hā làa na kà wán na khii vé á máa tèè lè ho cùkú beenī na wa khii yí, hón na máa vé máa mi.

* **4:13** Mi loñ Lení vūahū (Psaumes) 116.10

¹⁸ Warɛn yí mǎa cà mu bɔ na wee mi. Bɔ yí mǎa mi lé bɔ wa wee cà. Lé bɔ á bɔ wee mi yí mǎa mía, ká mu bɔ na yí mǎa mi bɔn wi bɔn féεε.

5

¹ Wa zū le ká le wizonle na wa sǎnía na lé wa mànákáwa zíní yáara, á le Dónbeenĩ ì na hǎ sǎnía wa nĩ-kéní kéníwà yi ho wáayi. Hón mànákáwa zíní so na á nùpue nii yí wó á à keń bɔn féεε.

² Bɔ ká wán á wa yiwa wee vá lé bɔ wa wee cà mu lè wa sòobéε à le Dónbeenĩ na hǎ sǎnía bè-fla mu wɛn ho wáayi.

³ Ká wa yú hón sǎnía bè-fla so, á wa mànákáwa mǎa wé bɔ na wee héεka mí bírí á yí yú sǎnía.

⁴ Mu bon, Bɔ wa wi hǎ sǎnía na ka lòn zíní yi á wa yiwa wee vá, á lò wee be. Wa yí le le Dónbeenĩ fé wa sǎnía mí dòn, ká wa wi à le wé hǎ làa bè-fla, bèra a na à hǎ sǎnía na à keń bɔn féεε à zo hǎ bè-kía na à hí lahó.

⁵ Le Dónbeenĩ mí bεεre lé dɔ wíokaa wɛn bɔn bɔ yi. Le nɔn mí Hácírí wɛn à zéení le bɔ le dó mí jii le mí ì na, á le è na mǎa khí.

⁶ Lé bɔn bɔ yi á wa yí mǎa tèé wa bàra, ká wa jɔn zū le bɔ wa wi ho tá wán, á wa dǎnɛ nàyi là a Nùhúso.

⁷ Mu bon, bɔ wa wee ɓua lè waten á wa wee wé héha làa bɔ wa dórǎa wa sía le Dónbeenĩ yi, ká mu yínɔn bɔ wa wee mi lè wa yio bɔ yi.

⁸ Wa sía hereka, á mu mún lá à wé sí wɛn à wa lé ho dímíná na ká yi à vaa keení a Nùhúso nísání.

⁹ Hàrí à wa keń ho dímíná yi, tàá à wa lén vaa keení a nísání, se bɔ wa màkóo wi yi lé ho wé bɔ sí a yi.

10 Lé bïo wa búenbúen ko à wa khíi vaa ðin o *Krista yahó ò o cítí. Ká wa wó mu bè-tente tàá ká wa wó mu bè-kora, ó ò sàání wen á à héha làa bïo wa ñi-kéní kéní wó ho ðimíjá yi.

Wa lè le Dónbeenĩ bñia sí o Yeesu pànká yi

11 Bïo wa zū a Nuhúso kònbii ñuhũ, á wa wee bánbá à 6a nùpua tà ho tũíá poni. Le Dónbeenĩ zū wen binbirĩ, á í wee leéka le minén mún zū mi mi sía yi.

12 Wa yí máa cà à wa zéení làa mia le mi ko mi tà wa bïo. Bïo mí sía á à waráa wa bïo yi lé bún wa wee cà, bèra a na à mi ðañ bío sí bíá wee yòoní miten bïo 6a karáa ðání yi, ká bïo 6a sía yi á 6a yí máa loń.

13 Ká lé bïo wa wee wé lòn khéerowà, lé le Dónbeenĩ yahó á wa wee wéráa mu. Ká lé bïo wa wee wé lòn nùpua na ñúná wi bún, bún lé minén bïo yi.

14 O *Krista waminĩ pànká 6úaa wa wán. Wa láa mu yi le orén lé o nùpue ñi-kéní na húrun 6a nùpua búenbúen bïo yi, á le Dónbeenĩ cón á wa búenbúen páanía húrun làa wo.

15 O húrun 6a búenbúen bïo yi bèra a na à bíá yïo wi lua wé yí wé bïo sí 6a yi, ká 6a wé wé bïo sí yïa húrun 6a bïo yi, á vèera.

16 Lé bún bïo yi, á wa wáa yí máa loń 6a nùpua làa bïo wa wee mi làa ba à héha lè mu ñipomu. Hàrí ká wa yánkaa wee loń o Yeesu yi làa bún bïo, á hã làa na kà wán á wa wáa yí máa loń wo yi làa bún.

17 Hen ká a nùpue páanía là a *Krista, se wón 6ànsò lée ñi-finle. Mu bè-kía wáa khíina, mu bïo búenbúen wáa wó bè-fla.

18 Bɛn ɓuɛnɓuɛn lɛ le Dɔnbeenɩ wɔ mu. O Krista pɔnkɔ yi, ɔ le wɔ ɔ warɛn lɔa de bɩnɩ sɩ, ɔ ho tonlɔ na ɔ le le wa sɔ, lɛ ho wɛ ɔ bɩa kɔ mɩn wɛ sɩ lɔa de.

19 Mu bon, o Krista pɔnkɔ yi, ɔ le Dɔnbeenɩ nɔn le nɩ ɔ ho dɩmɩnɔsa lɔa de bɩnɩ wɛ sɩ. Le wɔa yɩ mɔa loɩ ɓa nɔpua ɓuɛnɓuɛn bɛ-kora yi. Le le wa bɩo na ɓa nɔpua na kɔ yi le ɓa bɩnɩ wɛ sɩ lɔa mɩn.

20 Awa, ɔ wa lɛ o Krista tonkarowɔ, ɔ wee lɔ le bɩonɩ o Krista yɛni yi. A mu ka lɛ mu lɛ le Dɔnbeenɩ mɩ bɛɛɛ dɩn wa wɔn ɔ wee bɩorɔa lɔa mia. Wa wee ɓɔnɓɔnɩ mia o Krista yɛni yi le mi dɩa le le Dɔnbeenɩ lɔa mia bɩnɩ wɛ sɩ.

21 O Krista yɩ wɔ mu bɛ-kohɔ yɩ mɔn, ɔ le Dɔnbeenɩ sɩnɩa a jɩhɩ lɔn bɛ-kora wɛro ɓɩo sɩi warɛn ɓɩo yi, bɛra a na ɔ wa wɛ ɓa nɔpua na tɛrɛnna le Dɔnbeenɩ yahɔ wa pɔanɩlɔ lɔa wo ɓɩo yi.

6

1 Lɛ kɔ sɩi ɔ warɛn na lɛ le Dɔnbeenɩ pɔanɩa wee sɔ, ɔ pɔ wɩokaa wee henɩ mu na mia, le mi yɩ dɩa le le Dɔnbeenɩ sɔamu na le wɔ lɔa mia ɓɩo wɛ kɔamɔa.

2 Lɛrɛn lɛ dɩo bɩa mu kɔ sɩi:

«Ho pɔahɩ na mu ko yi,

ɔ ɩ jɩ ɩ florɔ.

Ho kɔnɩlɔ wizonle zoɩ,

ɔ ɩ ɓueɛ sɛenɩ fo.»*

Awa, ho pɔahɩ na wa wi yi lɛ ho pɛn-tente, ho zuia lɛ ho kɔnɩlɔ wizonle.

3 Wa yɩ wi ɔ wa wɛ ɓɩo ɓɩi na hɩa na kɔ wa ɔ wɛ ɛ khe lɛ ɓa nɔpua, lɛ ɓɩo wa yɩ wi ɔ nɔpue woon yɔa wa tonlɔ yɛni.

* 6:2 Mi loɩ Ezayii vɩahɩ 49.8

⁴ Bïo wa wee sá búenbúen yi, á wa wee zéení le wa lé le Dónbeenĩ ton-sáwá. Wa wee hĩ wa sĩa le lònbee lè mí síwà, lè le yi véε yi,

⁵ ho haró yi, ho kàsó yi, le lònbee na wee yí wɛn ɓa zâamáa ní yi, hã ton-hebúaa sáró yi, mu dâmu fòoró lè le hĩni yi.

⁶ Wa ɓuan waten lè le yi na wee ce, á zũ le Dónbeenĩ, á wee jĩ wa yiwa, á wayika. Le Dónbeenĩ Hácírí wi làa wɛn, wa wa ɓa nùpua lè wa sĩa búenbúen.

⁷ Wa wee wé mu lè ho tũíá poni biónĩ na wa wee bue le Dónbeenĩ pànká yi. Wa wee wé bïo téréna, bũn ka lòn fio sĩa na wa wee firáa lè wa zúkúso, á mún wee paráa waten yi.

⁸ Ba nùpua ɓúi wee dé ho cùkú wɛn ká ɓa ɓúi bán wee yáa wa yèni. Ba ɓúi wee khòoní wɛn, ká ɓa ɓúi wee là wɛn. Ba wee bío le wa lé ɓa sabín-fũaalowa, ká wa jɔn̄n wee mi ho tũíá poni.

⁹ Ba wee bío le nùpue woon yí zũ wɛn, à ɓa nùpua jɔn̄n zũ wɛn. Ba nùpua yèn-dání yi, á wa ka lè wa húrun, à wa jɔn̄n yĩo wi lua. Ba wee beé wa lò, ká ɓa màhã máa ɓúe wɛn.

¹⁰ Hàrí bïo ɓa wee véení wa yiwa, ká wa sĩa pá wee wa féεε. Wa lé ɓa nĩ-khenia, ká wa jɔn̄n wee wé à ɓa nùpua cèrèε wé ho nàfòró ɓànsowà. Wa ka lòn nùpua na dèε ɓúi mía, à mu bïo búenbúen jɔn̄n bïo sã wɛn.

¹¹ Minén Korɛnte lóhó kèrètíεwa kuure, wa héra wa yiwa á bía wéréwéré n̄n mia.

¹² Wa yí pã le wa máa wań mia, minén lé bĩa yí tà yí wa wɛn.

¹³ I wee bío làa mia ka lè mi lé í zàwa: Mi mún wań wɛn làa bïo wa waráa mia.

Le tibirí lè mu khoomu yí dà mǎa páani

14 Bǎa yí dó mí sía o Yeesu yi bè-wénia mi yí páani yí làa ba. Mu bon, mu bǐo na térénna lè mu bǐo na yí térénna dà à wé kaka à páanínáa? A mu khoomu lè le tibirí so dà à páani le?

15 O Yeesu *Krista là a *Satāni so dà à páani bǐo dà-kéní yi le? Yǎa dó mí síi o Yeesu yi làa yǎa dó mí síi o Satāni yi yilera so dà à wé dà-kéní le?

16 Lé le páanii yén yáá wi le *Dónbeenǐ zǐ-beenǐ lè hǎ wònna pǎahǔ? Mu bon, mi so yí zǔ le warén lé bǎa lé le Dónbeenǐ na wi fɛɛɛ zǐ-beenǐ le? Mu ka làa bǐo á le bíarǎa mu kà síi:

«ǐ ì kɛnǐ ɓa tǎahǔ,
 ǐ ì vará làa ba,
 ǐ ì wé ɓàn Dónbeenǐ,
 á ɓa à wé ǐ nǐpomu».

17 Lé bǔn bǐo yi ó o Núhǔso bíarǎa bǐo kà:

«Mi lé ɓa tǎahǔ,
 mi yí páani làa ba.

Mi yí dǎ bǐo na tun hùúu,
 á ǐnén á à tà mi bǐo.

18 ǐ ì wé mǐn maá,
 á mǐnén á à wé ǐnén zà-hǐnni lè ǐ zà-báawa.
 O Núhǔso na dà mu bǐo ɓúenɓúen lé wón te mí nǐ-cúa.»†

7

1 Wàn zàwa na á ǐ wa làa sòobɛɛ, bǔn bǐowa so ɓúenɓúen á le Dónbeenǐ dó mi nǐi le mí ì wé. A bǐo mu ka kà, á mi le wa ceé wa sǎnǎa lè wa yiwa. Mi

† 6:18 Mi loŋ Levii nùwǎ vǎahǔ (Lévitique) 26.12; Ezekiyɛle vǎahǔ 27.37; Ezayii vǎahǔ 52.11; Ezekiyɛle vǎahǔ 20.34; Samuwɛle jun nii vǎahǔ 7.14; Ezayii vǎahǔ 43.6

wa ɓua waten, à ɓio sɪ le Dónbeenɪ yi, à wé kɔ̀nbi le.

O Poole yi véε yèrɛ̀mɔ̀a wó le sɪ-wεε

² Mi waɲ wɛn! Wa yí wó yí khon làa nɪi woon, wa yí yáara a ɓúi ɓio, wa mún yí tò a ɓúi wán.

³ I yí bía ɓún à sɪnɪnɔ̀a mi núná. I yàá lá bía mu le wa ɓɛ̀ntɪn wa mia làa sòobéε. A wa yio wé lua, tàá à wa hí, se wa pá wa mia.

⁴ I ɓɛ̀ntɪn láa mia, i sɪi wan mi ɓio yi làa sòobéε. Le lònbee na wee yí mi ɓúenɓúen á i sɪi here yi, á wee zámaka.

⁵ Mu bon, ɓio wa ɓueé dɔ̀n ho Maseduana, á wa yí yú vū́nà, le lònbee lè mí sɪwà yú wɛn hen. Ba nùpua wee pɪ wa ɓio à kán wɛn, wa yilera hɔ̀n yí kará lòn-kéní

⁶ Hen ká a nùpue bàra tò, à le Dónbeenɪ ɓɪnɪ hení a sɪi. O Tiite ɓuenló wa cɔ̀n lé ɓún á le dɪn wán henɔ̀anɔ̀a warén sɪa.

⁷ Mu yàá yínɔ̀n ɓún mí dòn. ɓio ó o Tiite ɓueé bía á mún henía wa sɪa. O bía nɔ̀n wɛn le mi henía mí sɪi, o le mi sɪa vá làa sòobéε à mi ɓɪnɪ mi mi, le ɓio mí wó làa mi khíina á ɓɪnɪa yí sɪ mia, le mi henía i ɓio. ɓio á i nɔ̀a ɓún, á i sɪi wíokaa wan.

⁸ Hàrí ká ho vū́ahú na á i túara nɔ̀n mia á véénia mi yiwa, á ínén mu yí máa vá yi. Mu lá dà à vá mɪi lé ɓio á i zū le i véénia mi yiwa ho pɔ̀n-za dèε yi,

⁹ εε ká i màhɔ̀ sɪi wan hã laà na kà wán. I sɪi yí wan ɓio á i véénia mi yiwa ɓio yi. I wee zámaka lé ɓio mi yiwa vá hã wén-kora na mi wó ɓio yi, á pɔ̀ hã día. Le yi-véε na yú mia ká, lé le Dónbeenɪ wí à mu wé làa ɓún, bèra a na à mi sɪa cɪ mi wén-kora mu ɓio yi à pɪ hã. Ká mu wó ká, se wa vū́ahú mu túaró yínɔ̀n ɓio na wa wó khon làa mia.

10 Ká a nùpue yi wee vá lé bïo mu lé le Dónbeenĩ sïi bïo, à dén yi-véé so wé ò o yèrè má mí yilera lè mí wára, lé bïn wee na à le Dónbeenĩ kâní òanso. Dén yi-véé so sïi bïo máa vá wen. Éé ká le yi-véé na màhá ka làa bïa yí zū le Dónbeenĩ yi-véé bïo sïi, á wee bua a nùpue varáa mu húmú yi.

11 Mu bon, mi yiwa na wee vá lé bïo mu lé le Dónbeenĩ sïi bïo, á mi wáa loñ bïo wó mia bïo ká wán. Mi loñ bïo mi nǎnnáa miten, á yilera búenbúen yèrè máa. Mi wee bío sï miten yi làa sòobéé. Mi wee zéení bïo ká wán le mi yí wa mu bè-kora. Mi wee cïí mi sïa mu bïo yi. Bïo lá dà à yí mia mu bïo yi á mi yàá zána. Mi sïa vá à mi bïní mi mi, á mi wi à mi bïní wé le Dónbeenĩ sïi bïo, ká mi bé yïa wó mu bè-kohó. Mi zéenía mu bïo cèrèé yi le mi níní mia bïn bïowa so wéení.

12 Ká í túara ho vūahũ nǎn mia, se mu yínǎn yïa wó khon bïo yi, á mu mún yínǎn yïa ba wó khonnáa bïo yi. Í túara ho bèra a na à bïo mi nǎnnáa miten wa bïo yi à bïo zūn wéréwéré le Dónbeenĩ yahó.

13 Lé bïn bïo yi á wa yúráa le sí-hebúee.

Mu bon, mu yàá yínǎn bïn mí dòn á wa sïa há bïo yi. Wa mún wee zámaka bïo ó o Tiite sïi wan bïo yi, lé bïo mi búenbúen hïina a sïi.

14 Í khònía mia o Tiite yïo yi, á bïo ó o van mi cǎn bïnía, á mi bèn yí dó nïyio mi. Bïo á bïo wa wee bío búenbúen lé ho tũíá ponináa, lé làa bïn á bïo wa khònía làa mia o Tiite yïo yi mún wóráa ho tũíá.

15 Bïo ó o buara mi cǎn á mi buan wo se. Mi bò a bióní yi lè le sòobéé lè le kǎnbii. Hen ká a leékaa mu, ò o wíoka wañ mia.

16 I wee zãmaka lé bïo á ï láa mia mu bïo búenbúen yi.

8

Mu hãmu cãlɔ bïo

¹ Wãn zãwa lè wãn hĩnni, wa wi mi zũn bïo nɔn le Dónbeenĩ wórãa mu sãamu lè ho Maseduana kèrètɛwa kuio.

² Ba lò bon làa sòobéε, ká ba sĩa bɛntɛn pá wan làa sòobéε. Ba khon binbirĩ, εε ká ba màhá wó mu hãmu cèrèε le Dónbeenĩ tonló sáró bïo yi.

³ I lé mu bãn seérãso, ba wó bïo ba dà wee wé, ba wó mu miten á yòó puunía lé bïo mu sĩ ba yi.

⁴ Ba flora mu wa cón á henía, le wa díã le mí dé mí níní à séenínãa ho Zeruzalɛmu kèrètɛwa kuure.

⁵ Ba wó mu á dà bïo wa lá wee leéka wãn. Barén nɔn miten le Dónbeenĩ yi, á ba díã miten nɔn wɛn làa bïo mu sínãa le Dónbeenĩ yi.

⁶ Lé bũn bïo yi á wa le ho cãlɔ tonló mu na ó o Tiite lá búakãa mi cón ò o wíoka sá à tíj jii.

⁷ Mi sãdéró lè mí bionĩ yi, mi bïo zũnló lè miten naló yi, lè le waminĩ na mi yú wa cón, bũn búenbúen á mi dó mi sòobéε yi, á wó mu sese. Lé kà síi á mi sòobãaráa miten sárãa ho cãlɔ tonló na kà.

⁸ I yí máa kíkã mia. I wi à ï zéení bïo ba kèrètɛwa kuio na ká wórãa làa mia, bèra a na à mi dàñ zéení le mi wa bĩa ká bïo bon.

⁹ Lé bïo mi zũ wa Núhũso Yeesu *Krista sãamu na ó o wó nɔn wɛn bïo. Orén na mu bïo búenbúen wi níi yi, á díã bũn búenbúen ò o tà mu khemu yi mi bïo yi. O wó kà síi bèra a na ò o khemu mu wé mia lè ho nãfòró bãnsowà mi sĩa yi.

¹⁰ I wi à ì bío bío á ì wee leéka ho cāló mu dǎní yi: Bío mi wó á se, minén lé bǎa zenǎn lé 6a nín-yání nùpua na tà ho bío, á lé minén mún nín-yání wó ho.

¹¹ Hǎ laà na kà wán á mi tíí ho tonló mu jii. Bío mi fù sòobáa miten á tà mu, lé làa bún à mi pá wé sòobáráa miten à sá ho tonló mu vaa tíí jii. Mi wé mu làa bío mi dàráa mu.

¹² Lé bío ká mi sòobáa miten á nɔn bío le Dónbeenǎ yi, á le è tà à fé bío wi mi cǎn, ká le máa loǎ bío mía mi cǎn.

¹³ Mi yí leéka le ì wee sèení bǎa ká lònbee làa mia bèra a na à 6arén vǔrǎ ká minén lò be. Bùéé, ì wi à mi màní.

¹⁴ Hǎ laà na kà wán á mi bío wi cèrèè á mu sǎaaní à mi wé hǎ bǎa khon. Ká nònzoñ na minén 6èn khon à 6arén bío wi boo, á 6a à hǎ mia. Ká mu wee wé kà, bún ká mi màa.

¹⁵ Mu ù wé làa bío mu túararáa le Dónbeenǎ bíonǎ vǔahǔ yi: «Yǎa yú ho dǎnló cèrèè á yí yú yí puunía, á yǎa yí yú bío na boo á bío 6úi mún yí fòora yi.»*

O Tiite lè 6a 6úi varó ho Korɛnte yi bío

¹⁶ Wa wee dé le Dónbeenǎ bǎrákà, dén na wó ó o Tiite sòobáa miten mi bío yi làa bío warén wó làa bǔ.

¹⁷ Lé bío á bío wa le o Tiite va mi cǎn ó o tà. Mí lahó yi ó orén miten lé yǎa yàá henía mí bǎní varó mi cǎn bío.

¹⁸ Wa wǎa à tonka a Tiite mu lè wán za na 6a kèrètǎewa kuio 6úen6úen wee wíoka yèni le Dónbeenǎ bín-tente bueró bío yi.

* **8:15** Mi loǎ Léró vǔahǔ (Exode) 16.18

19 Mu yínǎn bún mí dòn, ɓa kèrètɛwa kuio lé ɓia léra wàn za mu ò o wé bè làa wɛn wa varáa yi. O wee bè làa wɛn à sáráa ho cǎló mu tonló na wee dé ho cùkú o Nùhúso mí bæere yi, á mu wee zéení le wa wi wa wé ɓio se.

20 Le minka wárí mu á wa wé è pa ɓio bèra a na à nùpue yí ɓío khe na wɛn le ɓuaró dǎní yi.

21 Lé ɓio wa wi à wa wé ɓio se o Nùhúso yahó lè ɓa nùpua yahó.

22 Wa mún ñ páaní ì tonka wàn za ɓúi làa ba. Pònna cèrèè wa lora a, á mǎn ò o wee sòobá miten le Dónbeení tonló sáró yi. Hã laà na kà wán ó o yáá wíokaa wee na miten ho tonló mu yi á po ɓio lè ho yahó lé ɓio ó o láa mia.

23 O Tiite wón làa mi lééra ho tonló yi, wa páanía wee sá à séeníáa mia. Ká ɓia á à bè mín làa wo bán lé ɓa kèrètɛwa kuio tonkaa ɓa mi cǎn. Ba tonló wee dé ho cùkú o *Krista yi.

24 Ká ɓa ɓueé dǎn mi cǎn, à mi zéení làa ba le mi wa ɓa, à ɓa kèrètɛwa kuio na tonkaa ɓa à zǔn le ɓio wa wee khòní mia ɓio yi á ɓèntín lée tǔiá poni.

9

Le Dónbeení wa yia wee hã mu ɓio lè le sǐ-wɛɛ

1 Mu yáá ka lè mu jùhú mia à ì túa ho vǔahú na kà na mia ɓa kèrètɛwa kuure séení mu dǎní yi.

2 Lé ɓio á ì zǔ ɓio mi sòobáaráa miten ɓa séeníló ɓio yi. Í sǐi wan mi ɓio yi á wee ɓío na ho Maseduana kèrètɛwa yi hen le «Ho Akayii kèrètɛwa wi ɓa séení ɓa kèrètɛwa kuure na wi ho *Zudee yi. Ba yáá ɓúakáa wee wíoka miten mu ɓio yi hàrí zenín». Ká ho Maseduana kèrètɛwa mún já mu, á ɓa cèrèè wíokaa nǎn miten le séení mu ɓio yi.

³ Ɛε ká í màhǎ à tonka wàn zàwa mu mi cǎn bèra a na à bǐo nɔn wa khònonánáa mia à yí wé kǎamáa. A í wi à mi wíoka miten làa bǐo á í bíaráa mu.

⁴ Bǔn mía ká ínén lè ho Maseduana kèrètíewa buée dǎn mia ká mi dǐn yí wíokaa miten ho cǎló mu bǐo yi, á warén lé bǐa hǎ nǐyio ò dí 6a yǐo yi, lé bǐo wa láa mia. Í zǔ le minén á hǎ nǐyio mún n̄ dí.

⁵ Lé bǔn nɔn á í leékaa le mu sǔaaní à í fio wàn zàwa mu à 6a dí í yahó buen mi cǎn, à buee loń le séení mu bǐo, dén na mi dó mi jíní nɔn bǐo yi. Ká í buée dǎn ká mu yǐo ló, á bǔn n̄ zéení le mi héra mi yiwa wóráa mu ká kǐkǎa yí kera mu yi.

⁶ Mi zǔn mu! Nǔpue yí dù bǐo na boo, ó o máa lá bǐo na boo. Nǔpue na dù mu bǐo na boo, wón n̄ lá mu bǐo na boo.

⁷ Mí na, à héha làa bǐo wi mi nǐ-kéní kéníwà sía yi. Mí yí wé mu làa yi véε, à kéń lè mu lée kǐkǎa mi wán. Lé bǐo á yǐa wee na mu bǐo lè le sí-wεε wón bǐo sí le Dónbeení yi.

⁸ Le Dónbeení dà à na bǐo cèrèε mia á yòó puuní bǐo mi màkóo wi yi, bèra a na ká mi yú hǎ pǎnna búenbúen yi á yòó puunía, á mi ì dàn n̄ wé bǐo na se cèrèε làa bǔ.

⁹ Mu ù kéń làa bǐo mu túararáa le Dónbeení bíoní vǔahǔ yi: «O wee hén mí yi à hǎnǎa 6a nǐ-khenia, o wee wé mu tentemu fέεε.»*

¹⁰ Yǐa wee na mu bè-dà 6a nǔpua yi á wee hǎ 6a làa bǐo 6a à dí, á mún n̄ na mu bè-dà minén yi. O o ò wé á mu ù jín á mí tentemu cǔnú wé è dé wán.

¹¹ O o ò na bǐo cèrèε mia bèra a na à minén bèn hén mi yiwa à hǎnǎa 6a nǔpua. Mu ù wé á 6a nǔpua cèrèε á à dé le Dónbeení bǎrákà bǐo mi nɔn

* 9:9 Mí loń Lení vǔahǔ (Psaumes) 112.9

wɛn á wa nɔn ɓa yi ɓio yi.

¹² Le séení na mi wee wé yínɔ́n dèɛ na wee séení ho Zeruzalɛmu kèrètíɛwa kuure ɓa màkóo ɓio yi mí dòn, le mún wee wé à ɓa wioka wé dé le Dónbeení b́arákà c̀èr̀èɛ.

¹³ Le séení na mi wee wé kà á à zéení le mi h́era mi yiwa. Mu bon, mi wee ɓio o *Kриста b́in-tente ɓio, á bò le yi, á ɓa nùpua c̀èr̀èɛ wee dé ho c̀ukú le Dónbeení yi mu ɓio yi. Ba mún wé è dé ho c̀ukú le yi ɓio mi h́eraráa mi yiwa á nɔn mi nii ɓio ɓarén lè ɓa nùpua ɓúenɓúen yi ɓio yi.

¹⁴ A ɓa wé è fio ò na mia à zéení le mí wa mia, lé ɓio le Dónbeení wó mí śamu làa mia yòò puunía.

¹⁵ Mi wa dé le Dónbeení b́arákà mu bè-tente na ɓàn síi mía, na le wó nɔn wɛn ɓio yi.

10

O Poole wee ɓio mí tonkaró tonló ɓio

¹ Inén Poole í ɓeere á wee fio mia, o *Kриста wayiró là a síi na se pánká yi. Ba le ká í wi làa mia à ï wé h́ézón, ká í kh̀era làa mia à ï síi wé here.

² Ká í màhá wee fio mia le mi yí día le ká í khii b́inía ɓuara mi cón à ï yí mia zaráa. Ba nùpua ɓúu wi mi t́ahú á wee ɓio le í wee ɓua iten lòn nùpue na yí zú Dónbeení. Bán sowaso á ï ɓueé m̀i lè sòobéɛ á à na yi.

³ Mu bon, wa wi ho d́imíɲá yi, ká há fio na wa wi yi á wa yí máa fi lè ho d́imíɲá fio ɓio síi.

⁴ Há fio sía na wa wee firáa yínɔ́n ho d́imíɲá fio sía. B̀ueé! Warén fio sía lé le Dónbeení na pánká wi fio sía. Há pánká wi à firáa há lùa na ɓa zúkúsa wee sà mítén yi. Wa wee ɓio ɓúe ɓa sabín-f̀uallowa ɲúná.

5 Hã yile-kora búenbúen na á bĩa wee yòoní mítén wee lá à ðín sánsáráa le Dónbeení bïo zũnló á wa wee kánká kúia. Wa wee yèrè má ɓa nùpua hácírí à ɓa bè o Krista bióní yi.

6 Ká p̄ahũ na mi c̄èr̄èè khíi zéenia le mi bò a Krista bióní mu yi bïo bon, á warén ñ bé bĩa ká na yí bò le yi.

7 Minén wee loñ bïo wee mi mí dòn. Hen ká a búí bía le mí bïo s̄a a *Krista yi, ó o ko ò o zũn le ínén mún bïo s̄a a Krista mu yi.

8 Hàrí ká í ka lè í dá khòonía ìten ho pànká na ó o Nùhũso n̄on w̄en bïo yi, á n̄iyio máa dí mi. Hón pànká so na ó o Nùhũso n̄on w̄en, lé à wa séenínáa mí kuure, ká mu yín̄n̄ mi yáaró bïo yi.

9 Í yí wi à í keñ lè í wi à í z̄ání mia lè í v̄onna na á í wee túa,

10 lé bïo ɓa búí le: «O Poole v̄onna bióní lée bióní na hereka làa bióní na wee vá. Èè ká a màhá wi làa w̄en ò o pànká máa keñ, à bióní pànká máa keñ.»

11 Bĩa wee bío h̄ón bióní so zũn le bïo wa wee túa h̄ã v̄onna yi à toní na ɓa yi lé b̄n̄ mí beere wa à wéráa ká wa khíi ɓueé ð̄n̄ ɓa.

12 Ba búí sòobáa wee wíoka mí yènnáa dàkhíina. Bán á warén so yáà à tà á à màní lè waten le? Ba wee wé mítén lòn m̄anz̄áníi s̄la à m̄anz̄á lè mítén mí dòn. Ba hácírí so wi le?

13 Ká warén bán máa khòoní waten máa dà máa khíi. Ho tonló na le Dónbeení dó w̄en lé hón wa wee k̄aɓa yi. Lé b̄n̄ bïo yi wa ɓuararáa mi c̄n̄.

14 Wa yí dà bïo le Dónbeení le wa wé wán. Mu bon, warén lé bĩa nín-yání ɓuara mi c̄n̄ ɓueé buera le bín-tente na bïo ciran o Krista.

15 Wa yí máa khòoní waten ho tonló na á ɓa búí s̄a bïo yi. Wa láa mu yi le mi s̄iadéró le Dónbeení

yi wee dé wán ká mu wà, á warén tonló mún ñ va
lè mí yahó làa sòobéε mi cón, ká wa máa dà bïo le
Dónbeenĩ le wa wé wán.

¹⁶ Ká mu wó làa bïn, á wa à dàñ ñ va le wa yahó
á vaá bue le Dónbeenĩ bín-tente hã kãna na dà
minén wán yi. Wa yí wi wa sá ho lahó na ɓa ɓúi
ɓúakáa wee sá yi à khòoní waten ho tonló na ɓa sá
bïo yi.

¹⁷ «Yia le mí ì khòn, à wón khòn bïo ó o Núhũso
wó bïo yi.»*

¹⁸ Yia wee khòoní mítén yínɔñ yia ó o Núhũso tà
bïo, mu lé yia ó o Núhũso mí beere wee khòoní.

11

O Poole le ɓa tonkarowà na bïo yi bon bïo

¹ I wi à mi tà à ì bío làa mia lòn khéero cùéé.
Uuu! Mi tà mu yi.

² Mi bïo sí miĩ làa sòobéε fúaa ì yí wi ò o ɓúi tũii
mia làa bïo le Dónbeenĩ yí wi ò o ɓúi tũiináa mia
bïo síi. Mu bon, ì bò mi fúamu nɔn báa ñ-kéní yi.
Wón báa so lé o *Krista. I wee zéeni mia làa wo lòn
hĩnzo-sínii na yí zū báa.

³ Εε ká bïo ó o háa khàráa o Εεve vĩnía, á ì zãna
à minén mún yilera hĩa lúnka à ví làa bïn síi, à yí
día mítén naló le mí cemu mi páaníló là a Krista
bïo yi.*

⁴ Mu bon, ká a ɓúi ɓueé wee bío Yeesu veere na
warén yí bía bïo làa mia, tàá ká a ɓúi ɓueé nɔn
hácín-veere na wi mí dòn le le Dónbeenĩ Hácírí
mia, tàá ká a ɓúi ɓueé wee bue bín-tente veere na

* **10:17** Mi loñ Zeremii vūahũ 9.23 * **11:3** Mi loñ Bio ɲúhũ ɓúεenĩ
vūahũ (Genèse) 3.1-6, 13

wi mí dòn làa dño warén buera nɔn mia, à bñn mi dɛɛní tà fùafù.

⁵ A ìnén cón, á ɓa nùpua mu na mi wee jàkǎ bño le ɓa lé o Yeesu tonkarowà binbirí, á yí po ìnén.

⁶ Nùhũ sí á ì yí dàń bío lè ɓarén bño, ká mu bño zũńlọ á ì po ɓa. Wa zéénia mu làa mia wéréwéré hã pònna búenbúen lè mu bño búenbúen yi.

⁷ Tàá bío á ì buera le Dónbeenĩ bín-tente nɔn mia hã káamáa yi, á lińia ìten nɔn mia bèra a na à minén júná hooní, á ì so wó khon le?

⁸ I tà á fó ɓa kèrètɛwa kuio búí nĩ bño á sáráa ho tonlọ nɔn mia.

⁹ Bño á ì fù wi mi cón á màkóo wi le séení yi á ì bño yí wó Nún-sèró o búí wán. Wán zàwa kèrètɛwa na ló ho Maseduana yi lé bán ɓuan bío á ì màkóo wi yi ɓueé nɔn miĩ. Ho pãahũ mu yi á ì bño yí wó Nún-sèró minén búí wán, á ì mún yí wi à ì bño wé sèró o búí wán mi tãhũ.

¹⁰ I dà à khòoní ìten bñn bío yi, á nùpue na à hè mi ho Akayii kǎhũ yi mu wéro yi wón mía. O *Krista na wi miĩ yèni yi á bño á ì wee bío kà lé ho tũia poni.

¹¹ Bño á ì bía kà so wee zéení le ì yí wa mia le? Bùéé! Le Dónbeenĩ zũ le ì wa mia.

¹² Bño á ì bño lá yínɔń jún-sèró o búí wán, lé bñn mu pá karáa, bèra à na à bña le mí lé o Yeesu tonkarowà ká mu yí bon à yí bè bñn yi khòonínaa miten le mi wee sá làa bño á warén wee sáráa.

¹³ Ba nùpua mu yínɔń Krista tonkarowà, ɓa lé ɓa nĩ-khàwa, á wee wé miten lòn Krista tonkarowà.

¹⁴ Mi yí le mu wé mia coon, lé bño á pãahũ búí ò o *Satáni mún yèrémá miten wé lòn Dónbeenĩ tonkaro na ló ho wáyai, à wé juiĩka lòn khoomu.

15 A mi yí le bɛ́o ó o Satāni ton-sáwá bɛ́o na ɓa wee yèrɛ́má mítɛ́n wé lòn ton-sáwá na téré́nna wé mia coon. Mu vaa véenii á bɛ́o ɓa wó sàánii á ɓa so máa yí le?

Le lònbee na yú a Poole bɛ́o

16 Le í wíoka bío mu na mia: O ɓúii yí leéka le í wee khée. Ɛɛ ká mi wee leéka le í wee khée, à mi na le níi mií le í khòoní íten làa bɛ́o mi lá à nanáa le o khéero yi.

17 Bɛ́o á í bío hã laà na kà wán yínɔ́n bɛ́o ó o Nùhũso wi à í bíoráa, ɓùéé! Bɛ́o á í wáa lan wee khòoní íten kà, á í wee bío lòn khéero.

18 Yínɔ́n ɓa nùpua cèrèè wáa wee khòoní mítɛ́n ho ðímíjá bɛ́o ðánii yi le? Awa, á ínén mún wáa à khòoní íten.

19 Mìnén na lé mu bè-zũnminí ɓànsowà á wee tà bɛ́o ɓa khéerowà wee wé yi.

20 Ba nùpua wee wé mia lè mí wobáanii, à wé hũn mia, à wé ɲuaa mi bɛ́o, à wé ɲin mia, à wé fio mi sáarà, á mi wee día à bũn búenɓúen kúu mia.

21 Mu ɓàn bíoró nɛiyio wi. Mi sáberé, warén sɛ́a yí wó herera yí vaá ɓó bũn yi. Ɛɛ ká í pá à bío lòn khéero ò lén. Bɛ́o á ɓia ká wee khòoní mítɛ́n bɛ́o yi, bũn á ínén mún dà à khòoní íten bɛ́o yi.

22 Ba lé ɓa *Heberewa le? Awa, á ínén mún lé o hebere n̄ii. Ba ló a *Isirayɛele n̄ipomu yi lée? A ínén mún ló a n̄ipomu yi. Ba ló a *Abarahaamu n̄ankāni yi lée? A ínén mún lé o m̄onm̄anii.

23 Ba lé o *Krista ton-sáwá lée? I yàá à bío lè í ɲúhũ mía b̄in, ínén lé o Krista ton-sá po ɓa. I sá lò bon po ɓa, ɓa dó mi ho kàsó yi á po ɓarén, ɓa han mi po po ɓarén. I zàanía í mukān̄i cúa cèrèè po ɓa.

24 Ba *Zúifùwa han mi lè le làbàanì yimù cúa-búará-ɲun dà-kéní mía á dǎn há zen cúa-hònú.

25 Ba nùpua vùaaana mi lè le bǔini, á dǎn há zen cúa-tín. Cúekúee búí á ɓa lèekaa mi lè há huua le mí ì búe. Ho won-beenì lú mu ɲumu yí làa mi dǎn há zen cúa-tín. Cúekúee búí á ì wó le wizon-kùure lè mí tǐnàahù mu ɲun-beenì yí.

26 Pǎnna cèrèè ká í wi le vɛɛnì yí á ì lò bon bǐo cèrèè bǐo yí: Há muna búí na sú cáa á ì lò bon káaló yí. Ba kǎnlowà, lè wàn síí nùpua, làa bǐa yínǎn wàn síí nùpua, bán búenbúen beéra í lò í vɛɛnì yí. Í lò bon há ló-beera yí, há mana yí, mu ɲun-beenì yí. Wàn zàwa na le mí lé ɓa kèrètíewa à mu ɲǎn yí bon bán mún beéra í lò.

27 Í sá lò bon dàkhíina. Há pǎnna búí á ì cáana yí dǔma, le hǐni lè le ɲu-hǎní beéra í lò. Pǎnna cèrèè à ì máa yí bǐo dí. Le tɛɛnì lè ho pɛérú mún beéra í lò.

28 Mu yàá pá yínǎn bǔn mí dòn. Bǐo á ì wee leéka bǐo há wizooní búenbúen mún wi bǐn: Ba kèrètíewa kuio búenbúen á ì yí wee dè bǐo yí.

29 Hen ká a búí lée yídà, à ì lò wé be mu bǐo yí. Ká a búí wó bè-kohó à mu vá mií làa sòobéɛ.

30 Ká í ko à ì khòoní íten, à ì wé mu í yídàmu bǐo yí.

31 Le Dónbeenì na lé wa Nùhúso Yeesu ɓàn Maá, dén na ko lè le ɓàaaníí fɛɛɛ, á zǔ le í yí máa fí sabéré.

32 Pǎahù na á ì ɓueé wi ho Damaasi lóhó yí, ó o Kuvɛɛɛɛere na wee sá a béɛ Aretaasi yèni yí le ɓa pe ho lóhó zǔaɲiní búenbúen, à ɓa wǐi mi.

33 Ká ɓa màhǎ can ho lío-beenì lè há hǔni á ì zon

yi á 6a lée liinía lè ho soró mǎn, lé bǔn fenía mi.†

12

Bǐo ó o Nùhũso zéenia là a Poole

¹ I ko à ì khòoní ìten à mu nǎn nùhũ mía. Eε ká ì màhã à bío mu bè-sànkania na ó o Nùhũso zéenia làa mi dǎní yi.

² I zũ a kèrètíε 6úi. Le Dónbeenĩ 6uan wo yòoraráa ho wáyai nún-tíahũ mu wãa à yí lúlúio píró náa. O lá van ho wáyai binbirĩ lée, tàá hã lée kònkórá nà a yi lée, bǔn á ì yí zũ. Le Dónbeenĩ lé dǐo zũ mu.

³ Mu bon! I zũ le le Dónbeenĩ 6uan wo yòoraráa ho wáyai. Ká a lá van ho wáyai binbirĩ lée tàá hã lée kònkórá nà a yi lée, bǔn á ì yí zũ. Le Dónbeenĩ lé dǐo zũ mu.

⁴ Bǐo ó o vaá ná le Dónbeenĩ cǎn ho wáyai mu yi á yí dà máa bío, á mu nii mún yí nǎn nùpue yi ò o bío mu.

⁵ I ì khòoní ìten bǐo wó a nii mu yi bǐo yi. Ká ìnén ì bεεre dǎní yi, á ì khòoní ìten ì yídàmu bǐo yi.

⁶ Ká ì yàá pá lá wi à ì khòoní ìten, se ì pá yínǎn khéero, lé bǐo á ì ì mǐ ho tũíá poni. Eε ká ì màhã máa bío, ì yí wi à 6a nùpua cǎtí mi à dà bǐo á ì wee wé làa bǐo á ì wee bío wán.

⁷ Mi yí mǎn le, ì lá dà à yòoní ìten bǔn bè-beera so na le Dónbeenĩ zéenia làa mi bǔn bǐo yi. Eε lé bǔn nǎn á le dó bǐo 6úi mǐ na wee vá ì sǎnía yi. Le díá ó o *Satāni tonkaro wó mu làa mi, bèra a na à ì yí yòoní ìten.

⁸ I flora a Nùhũso dǎn hã zen cúa-tǐn le o véení ì lònbee mu.

† 11:33 Mi lorĩ Bè-wénia vùahũ 9.25

⁹ O o bía nɔn miĩ: «ĩ sãamu ù kãɲa fo, lé bïo á ho pãahũ na fo wee mi ũ yídàmu yi lé hón pãahũ so yi á ĩ pànká ðèn wíokaa wee mi yi». Awa, á mu sũaaní à ĩ wé khòn bïo á ĩ lé o yídà bïo yi, bèra a na ò o *Krista pànká kɛní miĩ binbirí.

¹⁰ Lé bũn bïo yi, á ĩ sũi wan bïo á ĩ lé o yídà bïo yi. O Krista bïo yi hàrí ða wé là mi, à le lònbee yí mi, hàrí à ða wé ɲíní ĩ sãnía, à ĩ hácírí yáa, á ĩ sũi pá à wa. Lé bïo ká ĩ lé o yídà pãahũ na yi, à ĩ yí ho pànká hón pãahũ so yi.

O Poole yilera lunkaa ho Korɛnte kèrètɛwa bïo yi

¹¹ ĩ bía lè ĩ ɲúhũ mía bũn, èɛ ká lé minén nɔn á ĩ bíaràa kà. Mu bon, minén lé bïa lá ko à mi mĩ ho tũíá ĩ ɲii ða nùpua yahó. Hàrí ká ĩ yínɔń dèɛ á bïa mí wee ɲàkã bïo le ða lé ða tonkarowà binbirí á yí sũaaní mi bïo woon yi.

¹² Bïo á ínén lé o Yeesu tonkaro, á ĩ ɲà ĩ yi làa sòobéɛ, á le Dónbeení ðĩn ĩ wán á wóràa mu yéréké bïowa lè mí sũiwà.

¹³ Lé mu yén á ĩ wó nɔn ða kèrètɛwa kuio na ká yi ká ĩ yí wó mu yí nɔn mia, ká mu yínɔń bïo á ĩ yí día á mi lá ĩ ɲún-sèró. Mi wãa sén día na miĩ bũn bïo yi.

¹⁴ Hen làa cĩnú ká ĩ ðuen mi cón á bũn wãa à wé mu cúa-tĩn nĩ. Bũn á ĩ mún máa bïo le mi na bïo búu miĩ. Minén mi bæere lé bïa á ĩ wee cà, ĩ màkóo mía mi níi bïo yi. Mu yínɔń ða zàwa wee bàrá mí níi bïo ká lè mĩn nùwã, ká ða zàwa ðàn nùwã lé bïa wee bàrá mu ká làa ba.

¹⁵ Inén cón á ĩ níi bïo búenbúen lá déró ho tonló yi mi bïo yí á à wé sũ miĩ. ĩ yàá dà à na ĩ mukãní

ɓúenɓúen mi ɓio yi. ɓio á ñén wa mia lè ì sòobéé
ɲún-sí lé ɓún wee lén mu ɓúi ɓio mi wa làa mi yi.

¹⁶ Mi tà à zūn le ì ɓio yí wó ɲún-sèró mi wán. Ba
ɓúi wee ɓio le o Poole ɓèntín héra, o wee khà wɛn
à fé nɛi ɓio.

¹⁷ ɓia ɓúenɓúen na á ì tonkaa mi cón ó o ɓúi á ì so
ɗin wán á tò mi wán le?

¹⁸ I hía flora a Tiite, ó o ɓuara mi cón, á wàn za ñi-
kéní ɓúi na mi zū á bò làa wo. O Tiite mu so ɓueé
khà mia fó ɓio ɓúi le? Ñén làa wo so yí wó yilera
dà-kéní á yí sáráa le? Le ɗání na wa lá so yínɔñ dà-
kéní le?

¹⁹ ɓio wa ɓía ho vūahú yi ɓueé ɓó hen, ɲún-sí mi
wee leéka le wa wee ɓio sí waten yi. Ɛé ká ɓueé. Wa
ɓía mu le Dónbeení yahó wa páaníló là a *Kriista
ɓio yi. Wàn zàwa lè wàn hínni na á ì wa làa sòobéé,
wa wee ɓio ɓún ɓúenɓúen bèra a na mi ɲàa va lè
mí yahó le Dónbeení wōhú wán.

²⁰ I zāna à ì ɓuee yí mia ká mi yí ka làa ɓio á ì wee
leéka, ká ñén ɓèn yí ka làa ɓio á minén wee leéka.
I zāna le ɲún-sí á ì ɓueé yí mia ká mi wi hā fio yi,
á wee dí le yandee làa mín, á sía wee cǐ mín yi, á
wee penka làa mín ká mi ì là mín, á wee ɲùu mín
ká mi ì yòoní miten, á yú ɓio na à mi wé.

²¹ I zāna le ká ì ɓuara mi cón, à wàn Dónbeení día
à hā nɛyio dí mi mi ɓio yi. I zāna à ì ɓuee mi mia à
wá mi ɓio yi, lé ɓio á ɓia fù wi mu bè-kora wéró yi
á yí yèrèmaa mí yilera lè mí wárá, á pá wi ho há-
fénló lè ho bá-fénló lè mí síwà wéró yi. I zāna à ì
ɓuee yí ɓa ká ɓa pá wee wé mu ɓio na yí se lè mí
síwà ɓúenɓúen.

O Poole mɔ́ndɛn zéeni là a tɛ̀nti bɔ̀

¹ Bɔ̀ á ĩ buen mi cɔ́n kà á wáa à wé ĩ buenlɔ́ cúa-tɛ̀n níi. Mu túara kà síi: «Mu bɔ̀ búenbúen á wa à lén yɔ̀ ba seéràsa nùwã ɲun tàá nùwã tɛ̀n bè-bíonii wán.»*

² Mu cúa-ɲun níi na á ĩ buara mi cɔ́n, á ĩ ɲà bɛ̀a wee wé mu bè-kora làa bɛ̀a ká búenbúen zeñ wán. Bɔ̀ á ĩ wáa khèra làa mia bɔ̀ kà wán, á ĩ wíokaa wee ɲɩ mi zeñ wán le ká ĩ khíi bɛ̀nɩa buara á ɲi woon níi máa lé ho béró yi.

³ Mi wi à mi zũn wéréwéré le o *Krista wee dɛ̀n ínɛ̀n wán à bíoráa. Awa! A mi zũn mu le o Krista yínɔ́n yí dà mi tɛ̀hũ. I wee ɲɩ mi zeñ wán, o ò zéeni mí pànká làa mia.

⁴ O búερό ho *kùrùwá wán ó o zéeniá le mí lé o yídà bɛ̀n bon, ká hã làa na kà wán ó o yɔ̀ wi lua le Dónbeenɩ pànká yi. Warén páaníló làa wo bɔ̀ yi á wa mún lé ba yídàwa bɛ̀n bon. Εε ká wa màhã wee ɲɩ mi zeñ wán: Le Dónbeenɩ pànká yi á warén làa wo yɔ̀ á à wé lua mi tɛ̀hũ!

⁵ Mi loñ miten à dándá miten miten, à zũn le mí dɔ́ mí sɩa o Yeesu Krista yi. Mi so yí zũ le o wi mia le? Nún-sɩ á mi loñna miten mɔ́n à mi yí ka làa bɛ̀n!

⁶ Εε ká ĩ láa mu yi le mi zũ le warén bán zéeniá le wa dɔ́ wa sɩa wo yi.

⁷ Wa wee flo le Dónbeenɩ yi bèra a na à mi wé yí wé mu bè-kora. Εε ká wa màhã yí máa wé mu à zéeniána le warén á sée wi yi. Wa wee wé mu bèra a na à mi wé wé ho tũiá poni bɔ̀ mí dòn, hàrɩ ká wa bɔ̀ búenbúen ka lè mu ɲii yí sú.

⁸ Wa yí dà máa kán ho tũiá poni, bɔ̀ bon bɛ̀n mí dòn lé bɔ̀ wa dà wee wé.

* **13:1** Mi loñ Làndá zéeniλό vùahũ (Deutéronome) 19.15

⁹ Mu bon, wa wee zãmaka bïo á warén lé 6a yídàwa, à minén pànká wi bïo yi. Bïo wa wee cà wa floró yi lé à mi wé 6a nùpua na á wékheró bïo yí máa mĩ léé yi.

¹⁰ Bïo nɔn á ï fèra wee túaráa ho vūahũ mu ù na mia léé bèra a na ká ï khíi 6ueé dɔn mia à ï yí dɛn ho pànká na ó o Núhũso nɔn miĩ wán à zaráa làa mia. Mu bon, le Dónbeenĩ yí nɔn ho miĩ à ï yáa mia, ká léé bèra a na à ï séení mia à mi siadéro le yi va làa yahó.

¹¹ Wán zàwa lè wán hĩnni, mi le mi sĩa wa, à siadéro le Dónbeenĩ yi va làa yahó. Mi wé hení mín sĩa à ɲi-cúa wé dà-kéní à keń mín wán làa héerà. A le Dónbeenĩ na wa wen á wee na ho héerà 6a nùpua yi á à keń làa mia.

¹² Mi tɛení mín yi sese lòn nu zàwa. Bĩa bïo sã le Dónbeenĩ yi hen búenbúen wee tɛení mia.

¹³ Le wa Núhũso Yeesu *Krista sãamu, lè le Dónbeenĩ waminĩ, lè le Dónbeenĩ Hácírí páaníló làa wen, à keń lè mi búenbúen.

Dónbeenì páaní fīnle vūahũ
New Testament in Buamu (UV:box:Buamu)

copyright © 2012 Wycliffe Bible Translators, Inc.

Language: Buamu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Buamu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 13 Nov 2024 from source files
dated 30 Dec 2021
331a1641-e36a-5300-8cb1-c9476fcef9bf